



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Institutiones Qvintvplicis Theologiæ - Positivæ videlicet, Asceticæ,
Polemicæ, Speculativæ, & Moralis complectens, Unà cum Appendice
Methodum compendiarium reformationis Ecclesiasticæ à Concilio
Tridentino factæ continente

Lohner, Tobias

Dilingæ, 1679

§.3. De Religioso statu.

[urn:nbn:de:hbz:466:1-48233](https://nbn-resolving.org/urn:nbn:de:hbz:466:1-48233)

ARTICULUS III.

De Religioso Statu.

I. Q. 1. *Quid sit Religiosus Status?* Resp. esse *Religiosum* ad divinæ caritatis perfectionem tendens, ad votis perpetuæ castitatis, paupertatis, obedientiæ, in communi vivendi modum, ab Ecclesia approbatum, de colligitur, non requiri ad hunc statum solennitates, seu, ut ab Ecclesia & Religiosis Superioribus præsentur, & Religio vicissim obligetur ad Religiosum, quam membrum suum alendum, gubernandum, accedendum, nisi propter incorrigibilitatem ejici mereatur, regulam etiam esse de essentia illius, sed præcisè ad rem Professionis tres sequentes condiciones requiri. 1. Annus decimus sextus completus sit, & anni spatium vitiatu consumptum. 2. Consensus & acceptatio Superioris legitimi. 3. Libertas in professione edenda, postea tria substantialia actu voveantur, quorum votorum necessitatem S. Thomas pulchrè sic ostendit. Religiosus status tripliciter considerari potest. 1. Quatenus est quædam via & exercitatio tendens ad perfectionem caritatis, & sic necesse est removeri ea, quæ hominem impediunt, quò minus totaliter feratur in Deum, qualia sunt cupiditas exteriorum bonorum, quæ per votum paupertatis tollitur; concupiscentia sensibilibum, ac præsertim venereorum voluptatum, quæ per votum castitatis excluditur; inordinatio voluntatis humanæ, quæ excluditur per votum obedientiæ. 2. Considerari potest, quatenus est quædam renunciatio sæculi removens à mente hominis curas, sollicitudines, quales sunt dispensatio bonorum, gubernatio Uxoris & Familiæ, & dispositio propriorum actuum; quæ itidem, ut patet, per tria vota religiosi remouentur. 3. Quatenus est quoddam holocaustum, quod quis se & sua totaliter offert Deo, & sic necesse est, ut bona sua scilicet exteriora, corporis & animæ abdicentur per eadem tria religiosa vota.

II. Q. 2. *Quotuplex sit Status Religiosus?* Resp. in genere triplicem esse. Primus est eorum, qui vitam

I. *Secundus*, id est, in Spiritualibus vel corporalibus misericordiae operibus occupatam cum Martha profitentur. *Secundus* est eorum, qui vitam Contemplativam & soli propriae salutis quietique divino vacanti elegerunt; & si quidem in solitudine vivunt, *Anachoreta*; si autem in communitate *Monachi* vocantur. *Tertius* eorum, qui vitam mixtam susceperunt, suaeque ac aeternae salutis invigilant, & hi communiter *Religiosi regulares* appellantur. Aliqui quintuplicem Statum Religiosorum assignant. 1. *Monachalem*, qui per se solitum cultum divinum ordinatur. 2. *Mendicantem*, qui vitam mixtam proficitur, & paupertatem vovet excludendum Dominium bonorum immobilium in communi possidendorum. 3. *Clericalem*, qui per se ad divina mysteria sua proximis exercenda institutus est. 4. *Militarem*, qui se ad militandum pro Ecclesia & Patria ordinatur, et si necessitas tantum conjugalem voveat. 5. *Hospitalem*, qui se ad hospitalitatem erga Peregrinos vel Infirmos exercendam introductus est.

III. Q. 3. *Ad quid obligentur Religiosi ratione sua* *officiorum?* Resp. ad sequentia. 1. Ut nihil habeant proprium ob votum paupertatis; cui tamen non repugnat, si possident aliquid ad nutum Superiorum revocabile. Sitamen Religioso beneficium Ecclesiasticum administrandum, probabile est; validas esse, non tamen licitas donationes ad usus, non pios. 2. Ut non externa tantum, sed interna voluptate Venerea abstineant ratione voti Castitatis. 3. Ut omnia, quae Superior secundum Regulas & Constitutiones Ordinis praecipit, impleant ratione voti obedientiae. Contra hoc tamen Votum non peccatur per Regulam transgressionem, si sub peccato non obligent.

IV. Q. 4. *Quinam intrare Religiosum Statum queant?* Resp. 1. Omnes, qui non sunt vinculo matrimoniali legati (ut Coniuges) aut Spirituali (ut Episcopi) aut alio impedimento (qualia tamen non sunt repugnantia Parentum, & variae promissiones ac obligationes etiam iuramentorum, ut docet Tann. d. 6. q. 3. du. 5. n. 139. excepta obligatione servitutis & rationum vel debitorum gravium) legitime. Resp. 2. Ad strictiorem Religionem transire possunt quavis Religiosum post petatum (licet non obtentam)

tam) licentiam, si quidem Constitutiones propriæ specialiter id non vetent.

V. Q. 5. *Ad quid Fugitivi vel Eiecti teneantur?*
Si sint Professi, eos suis Votis post Ejectionem vel Fugam perinde ut antè obstrictos manere, licet quoad alias conditiones religiosas penitus liberi sint, tutoque in sæculo manere queant, si in Monasterio non recipiantur. Resp. a. Fugitivos & Apostatas non modò ipsos redire debere, sed etiam à Superioribus inquiri & recipi, si non omnino sint incurabiles.

P A R S III.

DE INCARNATIONE CHRISTI, ET SACRAMENTIS.

Respondet hæc pars tertiæ parti S. Thomæ, in qua de Incarnatione Christi, & Oeconomia Verbi divini, & Sacramentis, per quæ status gratiæ amissus recuperatus est, agit. Unde & hæc tota materia tribus Capitulis absolvetur, quarum prima de Incarnatione, secundum Oeconomiam Christi, id est Vita & morte illius, de qua valè aliquid dicitur in Scholis; tertia de Sacramentis agit.

C A P U T I.

DE INCARNATIONE CHRISTI.

Tota hæc materia, dignissima sanè, quæ à quovis Sacerdote cognoscatur, tribus potissimum articulis absolvi potest, quorum primus de substantia; secundus de causis; tertius de effectibus Incarnationis tractabit.

A R T I C U L U S I.

De substantia Incarnationis.

De hac tres præcipuè quæstiones formari solent à Theologis Scholasticis, nempe an sit; quid sit, & an conventiva aut necessaria fuerit ad salutem generis humani, quæ tres quæstiones, quia plures alias particulares in se continet, rectius distinctis §§. decidantur.